

閒一片平

心劍

我愛龍泉匣裏藏令人肝膽瑩神光一從提上中宮帳萬里羣魔不敢當

心印

寒光不動自天然應變隨人方與圓印定了知無那箇這生恰是未生前

心鏡

高卧靈臺久不磨自然影現萬森羅任從塵翳休吹拂吹拂塵無照甚麼

道藏輯要

呂帝詩集

三

室集七
川川七

心月

一輪心月照天庭兔魄蟾魂特地清些小閒雲難作障通天徹地自圓成

最玄吟二十五首

六年雪嶺爲何因志定調和氣與神一百刻中都一息方知大道顯三乘

玉皇差我化凡愚滿地蒼生與道疎四季暗偷身上寶五行明盜臉邊珠

貪名貪利年年有去是去非日日無迴首卻歸三島路免教上帝降天符